

MOCIÓN DO GRUPO MUNICIPAL DO PARTIDO POPULAR SOBRE A FALTA DE EFECTIVOS DE BOMBEIROS NA CIDADE DE VIGO

O portavoz do Grupo Municipal do Partido Popular de Vigo, conforme ao disposto no Regulamento Orgánico do Pleno do concello de Vigo e da restante normativa aplicable, formula para o seu debate e aprobación na vindeira sesión a seguinte

MOCIÓN

EXPOSICIÓN DE MOTIVOS



O corpo de bombeiros de Vigo conta cun cadro de persoal recoñecido de 153 efectivos. Unha cifra moi baixa se atendemos ás recomendacións fixadas pola Unión Europea que fala dun bombeiro por cada 1.000 habitantes. O que faría un total de 300 efectivos necesarios.

Porén, a día de hoxe soamente están cubertas 126 prazas pero é que a finais de mes xubilaranse outros dous membros máis, co que o número total dispoñible nuns días será de apenas 122, o que significa que haberá 31 vacantes sen cubrir da actual relación de postos de traballo (RPT) recoñecida. Unha carencia de persoal que está a provocar tamén que bombeiros estean a realizar funcións e asumir responsabilidades para as que non están habilitados.

Unha situación insostible que se está a traducir en constantes peches do parque de bombeiros de Coruxo ao non haber o persoal mínimo suficiente para poder cubrir os servizos mínimos. Chegando ao punto de estar pechado durante toda a fin de semana do 8 ao 10 de xuño.

Circunstancia que nin moito menos é nova, senón que se ven repetindo con moita frecuencia, o que pon en risco a seguridade de todos os vigueses. De feito compre recordar que no pasado ano 2023 só un día se cumpriron cos servizos mínimos por quenda, fixado en 20 efectivos por este goberno de Abel Caballero. De feito son moitas as queixas e denuncias presentadas durante os últimos meses polos bombeiros sobre a falla de persoal, que este goberno local se nega a facilitar ao grupo municipal do Partido Popular, conculcando o nosos dereitos.

Ás portas do verán os sindicatos veñen de reiterar, unha vez máis, a falta de persoal de persoal acorde coas necesidades da nosa cidade nunha carta aberta á cidadanía, sen que o executivo local propuxese solución algunha para garantir que o servizo se preste con total garantías.

O plan do executivo municipal de aumentar ata 40 as prazas contempladas nas catro ofertas públicas de emprego (OPE) pendentes –2020, 2021, 2022 y 2023– tampouco son suficientes para resolver o problema. Primeiro de todo porque estas OPE non se van resolver ata pasados uns anos e segundo porque a maior parte das postos ofertados son consolidación de prazas cubertas a día de hoxe por interinos. Así, para cando se resolvan e se cubran esas prazas, as necesidades do cadro de persoal xa terá incrementado debido ás xubilacións previstas nos anos vindeiros.

Por os motivos expostos, instamos ao Concello de Vigo que:

ACORDOS:

- 1.- Instar ao goberno local a adoptar as medidas necesarias para que todos os días se cumpra co numero de 20 efectivos recoñecido nos servizos mínimos, evitando así novos peches do parque de Coruxo e garantindo o servizo en condicións durante os próximos meses de verán.
- 2.- Instar ao goberno local a cubrir todos os postos provistos na RPT actual e ampliar a mesma tan pronto como sexa posible cando menos ata os 190 efectivos demandados polos traballadores.
3. Crear de forma inmediata unha comisión de traballo cos funcionarios do servizo, para abordar temas organizativos e de condicións laborais que están pendentes dende hai anos, como o deseño e a elaboración de protocolos de traballo.

4. Dignificar as condicións de traballo dos funcionarios do servizo, comezando por modificar os postos de bombeiro/a para pasalos do subgrupo C2 ao C1.

5. Reprobar a Patricia Rodríguez Calviño, concelleira de Seguridade, pola súa falta de transparencia denegando a este grupo municipal o acceso ás queixas e denuncias presentadas durante os últimos meses polos bombeiros sobre a falla de persoal, pese as reiteradas resolucións e requirimentos ao respecto da Comisión de Transparencia de Galicia e da Valedora do Pobo.

Vigo, 18 de xuño de 2024



José Miguel Martín Peña

